

## Psalmus responsorius

Ps 85, 5-6. 9-10. 15-16a (R̄: 5a)

R̄. Tu, Dómine, suávis et mitis es.

<sup>5</sup> Quóniam tu, Dómine, suávis et mitis  
et multæ misericórdiæ ómnibus invocántibus te.

<sup>6</sup> Auribus pércipe, Dómine, oratióem meam  
et inténde voci deprecatiónis meæ. R̄.

<sup>9</sup> Omnes gentes, quascúmque fecísti, vénient  
et adorábunt coram te, Dómine,  
et glorificábunt nomen tuum,

<sup>10</sup> quóniam magnus es tu et fáciens mirabília:  
tu es Deus solus. R̄.

<sup>15</sup> Et tu, Dómine, Deus miserátor et miséricors,  
patiens et multæ misericórdiæ et veritátis,

<sup>16</sup> réspice in me et miserére mei. R̄.